

Syllabus za kurs Konverzacijski ruski jezik

Podaci o predavaču

Ime i prezime: Nadan Kravić
E-mail adresa: nadankravich@gmail.com

Biografija predavača:

Nadan Kravić je rođen u Sarajevu 1997. godine, gdje završava školu i osnovne studije, a potom se seli u Rusiju na magistarski studij. U BiH se vraća 2022. godine i započinje svoju djelatnost sa kursevima stranih jezika.

Nadan je po struci magistar hemije i ljubitelj je jezika. Bavi se lingvistikom, završio je pripremni fakultet za ruski jezik kao strani te ima položen državni ispit. Radio je kao predavač engleskog jezika na platformi Skyeng. Trenutno vodi svoj kurs BHS za strance – na ruskom i engleskom jeziku. Ovlašteni je sudski tumač za ruski jezik i surađuje sa nekoliko prevodilačkih agencija.

LinkedIn profil: <https://www.linkedin.com/in/nadan-kravi%C4%87-23882123b/?originalSubdomain=hr>

Opće informacije o kursu:

Kurs konverzacijskog ruskog jezika namijenjen je polaznicima koji žele unaprijediti svoje vještine u usmenoj komunikaciji na ruskom jeziku. Program je fokusiran na razvoj spontanosti, tečnosti i sigurnosti u izražavanju na ruskom jeziku u različitim svakodnevnim situacijama. Kroz raznovrsne tematske lekcije i aktivnosti, polaznici će imati priliku proširiti svoj rječnik, poboljšati izgovor, razumjeti različite stilove govora te vježbati konverzaciju na različite teme. Kurs se izvodi na način koji potiče aktivno učestvovanje polaznika i pruža im priliku da razviju svoje komunikacijske vještine na praktičan način.

Opis kursa:

Program kursa obuhvata tematske lekcije koje su osmišljene kako bi se pokrili različite aspekte svakodnevnog života i interesa, uključujući putovanja, kulturu, poslovanje, hobi i drugo. Svaka lekcija naglašava aktivno učestvovanje polaznika kroz različite interaktivne aktivnosti poput simuliranih razgovora, uloga, rasprava, i grupnih projekata. Kurs je namijenjen za one koji imaju završen minimalno A1 nivo ruskog jezika.

Posebna pažnja se posvećuje pravilnom izgovoru, rječniku, tečnosti u govoru i razumijevanju idioma i izraza koji su uobičajeni u svakodnevnom govoru. Polaznici će imati priliku raditi na poboljšanju svojih komunikacijskih vještina kroz individualne i grupne aktivnosti, uz kontinuiranu podršku i povratnu informaciju od strane instruktora. Časovi se sastoje iz dva dijela. Prvi je uvodni, teoretski, a drugi je praktični, razgovorni.

Kroz ovaj kurs, cilj je potaknuti polaznike da se osjećaju komforno i samouvjereni u svojim komunikacijskim sposobnostima na ruskom jeziku, te ih pripremiti za efikasnu komunikaciju.

Očekivanja i ciljevi:

Po okončanju kursa, polaznici će:

- Razviti tečnu i efikasnu komunikaciju na ruskom jeziku u različitim svakodnevnim situacijama.
- Proširiti vokabular i poboljšati izgovora.
- Razumjeti različite aspekte ruske jezičke kulture.
- Steći samopouzdanje u upotrebi ruskog jezika.
- Moći primijeniti naučeno raznim situacijama.
- Razviti sposobnost aktivnog slušanja i učestvovanja u konverzaciji na ruskom jeziku.
- Povećati samostalnosti u izražavanju misli i ideja na ruskom jeziku

Materijali/oprema neophodna za kurs:

Polaznici ne trebaju nikakve materijale za ovaj kurs. Sve nastavne materijale dobivaju od predavača u elektronskoj formi.

Trajanje kursa: 2 mjeseca

Broj sati/časova: 16 susreta, 2 susreta sedmično (jedan susret traje 2 sata)

Raspored tema:

Sedmica 1	Putovanja i avanture. Umjetnost i kultura.
Sedmica 2	Kuhinja. Zdravlje i wellness.
Sedmica 3	Tehnologija i inovacije. Obrazovanje i učenje.
Sedmica 4	Psihologija i emocionalna inteligencija. Moda i stil.
Sedmica 5	Hobi i slobodno vrijeme. Međunarodna prijateljstva.
Sedmica 6	Historija. Inspiracija i motivacija.
Sedmica 7	Kulturne tradicije i običaji. Društvene promjene.
Sedmica 8	Razgovori na neobaveznu temu.